

中國方志叢書·東北地方·第七號

據

民國·王寶善修，張博惠輯
民國十五年石印本

影印

遼寧省

新民縣志

(一)

成文出版社有限公司印行



10094023

7/34/85

中國方志叢書·東北地方·第七號

據

民國·王寶善修，張博惠輯
民國十五年石印本

影印

遼寧省

新民縣志

(二)

成文出版社有限公司印行



10094024

中華民國六十三年 月壹一版

新民縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號

台北市郵政信箱二二六〇五號
台北市羅斯福路三段240巷5號
電話：三四〇一三二號

印刷者：成文出版社有限公司

內政部登記證內版台業字第一一四七號

新民縣志

卷首

序

圖

修志姓名

例言

目錄

新民縣志

卷首

序

圖

修志姓名

例言

目錄

前新民府志原序

自法之果彼爾氏譯禹貢歐西學者大譁謂我國統計學導源三代蒙謂直郡縣志之濫觴耳其書於州域流源土宜貢賦莫不條舉件係在上古法純事簡亦云備矣後之志郡縣者類祖之其佳者如林紘之知興化作莆陽人物志周羽冲之宰脩仁作三楚新志而對山之武功縣志尤膾炙人口然要皆拘牽於體例至欲參攷其山川形勢簡核其戶籍民隱詳略異宜鮮足徵信攷政治則諛去思言教育則詡科第名勝之境選佛之場則備志之細至一葉一花亦必詞賦博徵以鳴全盛在昔閉關自守車書一家誠足以消戢雄鷲摠寫文旨鼓吹太平之具蓋無當於今日也久矣新

郡並此而無之不其慨歟雖然整飭百凡創之爲功也疾於因新
郡闢治曾幾何時顧已庶政畢舉學校日拓不四五年進亦驟矣
撫今思昔能無爲新民幸然工商苦窳學者僅百分之二自茲以
往其進若何執因問果又能無懼郡守管君蘊爲先憂迺以其集
益所獲足資考鏡者賈餘勇以建郡志之創格舉凡體例編目之
說一掃而空之事維其實數維其詳將以鑑別其妍媸得失眇彙
結以奏刀圭其用心復何如也見智見仁是在讀此志者他日歐
西譯之以去亦又云何謹叙

長沙楊德鄰

序

日俄戰役而後外人之於我東三省也攷察調查無微不至其已
有成書而爲我所及見者如滿洲地志滿洲要覽滿州旅行記財
力論實業之滿洲之類已不可勝數皆於地方之政治民俗物產
商業纖悉畢舉如數家珍而我七百餘萬歌哭是土之父老子弟
顧夢夢焉昧昧焉風解竊以爲恥及讀日人橫井博士之序言曰
滿州土地三十六萬方里比之日本版圖殆二倍餘舉此龐大之
地爲日本貿易之市場其南方一帶正入日本之勢力範圍以此
經營殖民製造採礦之事業是天與我以經濟上民族上謀發展
之地也篇不禁皇然懼而躍然興夫滿洲幅員三十六萬方里

吾新居其二十三分之一則全滿之興亡休戚吾新固肩二十三分一之責者也外人之拓殖力進一步吾民之生計力即窘一步至窘無可窘吾新三十八萬餘之民族惟有隨天演之淘汰圈力同付淪胥嗟其泣矣嗟何及矣天下興亡匹夫有責吾新對於全省固肩二十三分一之責對於府治則三十八萬餘之父老子弟尤人人肩一存亡休戚之責者也富者出其財貧者出其力士竭其智氓効其能舉凡生聚教養通商惠工屬於行政範圍內鳳縣今日之所肇畫其端者人人具赴湯蹈火毀家紓難之志有以竟厥緒而助其成則新地雖居二十三分之一有土有民即不患無財無用固可以一分爲二十三分之模範鳳縣一官郡守經年於茲補

直撥拾成就雖無可言要惟孜孜求治凡寸哀念慮之所及斯民
痛癢之所關苟足以福吾民者縣力所勝罔敢自逸此則可與三
十八萬餘之父老子弟共見以心者也攷察所及手書而筆識之
積久斐然成帙顏之曰新民府志地方設治未久文獻無徵此志
之作僅能徵諸事實以爲行政之參攷顧人事至隨治理日繁即
以事實言亦月異而歲不同凡所列之表皆就光緒三十四年所
調查統計者編纂始於宣統元年春越九月而出版其間事實之
變遷又不知凡幾日編一頁夕付手民脫誤尤多前後體例皆未
能一致惟是月計歲會此爲權輿續有所作當能正其訛而補其
闕失苟使讀是書者休於外力之日偪生計之日艱奮然有民族

思想經濟思想毋束手以待人之我先則後之作是書者對於民族政治之優勝數十百倍於今日其記載之完備亦可數十百倍於今日將是編供吾民覆誦用亦守是土草是編者之志也是爲序

宣統龍飛之歲秋九月知新民府事管鳳銑書

重輯新民府志序

唐虞以降代有典籍而方志掌於地官實後世郡縣志之權輿吾
新民設治較晚典章文物闕焉未備郡志之作創自管洛笙太守
亦僅就行政所及掇其概要視腹省列郡瞠乎後矣民國肇興郡
邑異制而時會之遞遷律度之因革有非故志所及詳者李廉白
大令始倡修志之議而縣掾趙君慶鏞主之王煥然大令繼長吾
邑復廣續而擴充之就縣教育會爲編輯所延耆儒張君韻芝綜
司纂訂邑紳常君季浦王君膺樞先後主其事而王君翔九劉君
升九吳君世榮佐之同時里居士紳宦遊名宿咸任採訪之役條
流固粗定矣

通城

頻歲從事政治解官後奉母寄居析津未獲與

諸君子分筆札之勞時復厲書商權期於折衷至當不悖古史文質事覈之指會王岷源省長袁潔珊參政擬輯省志謂

通賦

曰

邑志之於省志固相輔而成者也君籍新民盍促成邑志以訂其

闕同里襲品清參政梁素文參事亦交相敦勉

通賦

心焉識之維

時邑宰王君憲章亦鄉人也素負時望富于學識履任後綱舉目張百廢俱舉復有取於衆議殫心志局分類裁定列卷十八曰地理曰區劃曰建置曰財賦曰實業曰教育曰交通曰宗教曰交涉曰慈善曰風俗曰兵事曰人物曰列女曰藝文曰物產曰古蹟曰雜志瞻而覈詳而有體故志之疏舛者無如地理若方域形勢之歧錯山脈河流之背向方聞類多剿襲載籍輒有異同憲章監督

簡員四出調查精確輔以測勘於是全境輿圖釐然不紊而邑志遂以完成苟悅漢紀謂立典之志有五曰達道義曰彰法式曰通古今曰著功勳曰表賢能吾邑志之輯雖不敢遽跂於古作者之林庶幾於天人之際事物之宜罔不賅備其亦文中子所謂言典致博者歟茲志之成時閱數稔官經數易垂成而幾輟者屢矣向非賢長吏及良有司倡導吾邑士紳奔走籌維安得及時而覩厥成即幸而告成或且拾叢殘沿簡陋靡所訂正其遂能如斯志之精審乎

通賦

夙志所在讀斯志而欣感交集有不能自己者又以賢長吏有司及吾邑士紳倡導籌維之功之不可沒也爰不辭而爲之序

中華民國十有四年十月

王迺斌序於析津寄廬

志書之法原以簡而明之爲第一其體裁雖異其
體裁採方寸之人心而不出其胸中殊方并佳
皆深量其意目前所記必以厚而古行志皆主
體籍志風使通義庚子其文思集指不勝
屈數皆志書之集也然其文原旨著述務求
確當考據不厭其詳與夫記載世則尤必
賅實而周密是其在古人之用心固不徒以標榜
風華爲事相矜者也所以信之於海內歷久而
昭彰者以此也